



Inatsisartuni ilaasortaq Ruth Heilmann, Siumut  
Inatsisartut  
/Maani

## **Inatsisartut suleriaasianni § 37 naapertorlugu Arctic Green Food A/S pillugu apeqqummut akissut.**

18-10-2012  
Sags nr. 2012-074851  
Dok. nr. 1042364

Inatsisartut suleriaasianni § 37, imm. 1 naapertorlugu Arctic Green Food A/S pillugu apeqqummik saqqummiussivutit, tassaavorlu § 37-230. Apeqqutitit uannut akisassanngorlugit innersuunneqarput.

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.nanoq.gl

- 1. Aalisakkanik tunitsiviit Arctic Green Food A/S-ip ingerlatai aqqaniliusut taamaallaat pingasut ammanerarneqarput 28. septemberi uanga apeqquteqaatinnut tamanna Naalakkersuisut oqaatigaat. Allappullu tamanna pillugu Arctic Green Food A/S ataatsimeeqatigineqassasut. Ataatsimeeqatigiinnermik neriorsuut qanga piva aammalu qanoq angusaqartoqarpa?**

Ataatsimiinneq 1. oktober ingerlanneqarpoq aamma ataatsimiinnermi oqaluuserineqartunut ilaavoq 2012-imi tunisinernut atatillugu pissutsit aamma tamatuminnnga erseqqissaaneq. Tamatuma saniatigut 2013-imut sullissinissamik isumaqatigiisummut tunngatillugu isumaqatigiinniaqqinnerit aallartisarneqalerput.

Akissuteqaammi ulloq 28. september (2012-204) nassiunneqartumi, tunitsiviit tunisinissamut atatillugu ammatinneqartut amerlassusiinut tunngatillugu amerlassutsit taaneqarput, piffissap apeqqutit akineqarnerata nalaani.

Ukiup ingerlanerani AGF-ip tunisassiorfiutini arlallit tunitsivittut ammatissimavai, aamma uanga nammineq § 37 naapertorlugu apeqqummut nr. 2012-229-mut tunngatillugu akissutigisanni, 2012-imi ukiup affaani siullermi suliamut atatillugu kisitsisit naatsorsorneqarnerat nassiunneqartoq innersuussutigissavara.

Maannamut tunitsiviit ammasut imaluunniit tunitsivigineqarnissaminnut piareersarneqartut ingerlatseqatigiiffiup paasissutissiisutai malillugit makkuupput, Napasoq, Qaanaaq, Savissivik, Maniitsoq, Attu, Tasiusaq, Ikamiut. Attumi, Tasiusami, Ikamiuni aamma Napasumi tunitsivinnut tunisinerni siunertarineqarpoq ukiuunerani aalisakkanik panertitsinissaq, tamanna silap qanoq innerata ajornartingippagu.

- 2. Ullumikkut Arctic Green Food A/S-p tunitsiviit ingerlatai ataatsimeeqatigiinnerup kingorna, (taamaattoqarsimappat) taava qassit tunitsiviit ullumikkut ammarneqarpat aammalu qassit sulimatoqqappat?**

Ingerlatseqatigiiffimmit ilisimatitsissutigineqarpoq tunitsiviit arfineq-marluk tunitsivittut ammatinneqartut, Nr. 1-imi apeqqummut akissut naapertorlugu, taamatullu ingerlatseqatigiiffiup tunitsivii sisamat tunitsivittut

matoqqatinneqartut tassaapput, Ittoqqoortoormiit, Narsarmijit, Qassimiut aamma Aappilattoq (Kujataani). Kangerlussuaq aamma isumaqatigiisummi ilaavoq, kisianni taamaallaat ukiuunerani piniarnermut atatillugu ammatinneqartarluni.

**3. Ullumikkut Napasumi tunitsivik ammaqqissimasoq paasigakku, tamanna ataavartumik ammaassinerua aammalu qanoq ullumikkut ingerlatsisoqarniarpa?**

Ingerlatseqatigiiffimmit ilisimatitsissutigineqarpoq, tunitsivik saarullinnik qeeqqanillu pisiortorusuttoq ukiuunerani panertitassanik. Tunitsivimmik ammatitsinissaq sullissinissamut isumaqatigiisummi piunasaqaataasut naapertorlugit pissaaq, taamaattorli aamma tamatumani tunitsivimmut tunisinermi pissutsit naapertorlugit suliassaqaarnissaq apeqqutaassaaq.

**4. Maniitsumi tunitsiviup matuneqarsimanerata kinguneranik aalisartut atugaat ullumikkut aamma naammagineqanngillat Kangaamiunut tunisiartortariaqartarput tamannalu aningaasartuuteqarfiusaqaq orsussatigut aammalu aalisakkat pitsaasuunissaanik anguniakkamut naapertuussorinarani, silami aamma apeqqutaasaqimmat. Maniitsumi aalisakkeriviup ammatinneqartuarnissaanik Naalakkersuisut pilersaaruteqarpat?**

Ingerlatseqatigiiffimmit ilisimatitsissutigineqarpoq, siusinnerusukkut tunitsivimmik matusigallarnermut pissutaasoq tassaasoq Maniitsumi tunitsivimmi atortunik ajoquteqarneq. Ajoqutaasoq taanna iluarsineqarsimavoq ingerlatseqatigiiffiullu ilisimatitsissutigaa tunitsivimmut tunisineq ammarneqartoq. Saarullinnik qeeqqanillu tunisinernik unitsitsisarnerit atorneqarsimapput, ingerlatseqatigiiffik isumaqarmat saarullinnik qeeqqanillu nioqqutissianik niuernerq maannakkut imminut akilersinnaanngingajattoq. Ingerlatseqatigiiffiup aalisakkanik allanik soorlu, saattuanik qalerallinnillu pisiortornissaq ingerlakkusunneruaa.

Tunitsivik ukioq kaajallallugu ammasimavoq, taamaattorli tunitsivimmi ajoquteqartoqarsimaneq pillugu matoqqagallarsimavoq aammalumi saarullinnik qeeqqanillu ulluni makkunani tunisinermik uninngatitsineq, apeqqutaasimalluni. Naalakkersuisut Maniitsumi tunitsivimmik ingerlatsinissaminnut pilersaaruteqanngillat. Taamaattorli sullissinissat pillugit isumaqatigiisummik suliaqartoqarsimavoq, taannalu aqutugalugu tunitsivimmik ingerlatsineq pissaaq.

**5. Naalakkersuisut Arctic Green Food A/S-mut 11 mio.-nik isumaqatigiisuteqarsimanerat ullumikkut qanoq ingerlava? Isumaqatigiisummi suut piunasaqaataasimappat? Isumaqatigiisutaasoq naapertorlugu ingerlasoqarpa?**

Tunitsiviit pingasuupput, sullissinissat pillugit isumaqatigiisummi piunasaqaataasunik naammassinnissimangitsut, oqaasertai naapertorlugit AGF-p matumani qulakkiigassaraa, piffissap isumaqatigiisuteqarfiusup iluani aalisartut aamma piniartut AGF-p tunitsiviinut imm. 2.3.-mi taaneqartunut tunisinissaminnut periarfissaqartinneqarnissaat.

Taamaalilluni aamma tamatumunnga atatillugu Aalisarnermut, Piniarnermut Nunalerinermullu Naalackersuisoqarfiup aamma Arctic Green Food A/S-ip akornanni 01. oktober 2012 ataatsimiittoqarpoq, pissutsit tamakku erseqqissaavigiumallugit.

Arctic Green Food A/S-imut sullissinissamut isumaqatigiissummut piunasaqaatit pingaarnerit, aataani allassimapput.

”Illuatungeriit sullissinissamut isumaqatigiissummi matumani siunertat aamma tunngavissat kinguliiniittut isumaqatigiisutigaat:

- Tunitsiveqarnermut-, assartuiner- aamma tunisassiornermut tunngasut tunisiner- aamma tunisassiornermi aningaasatigut killissarititaasut, sullissinissamut isumaqatigiissummi matumani aalajangersarneqarsimasut, saqqummiunneqartut iluanni sullissinissaq qulakkiissallugu.
- Pisariaqartillugu naleqqussaansamik pisoqarsinnaasoq, tunisassianut ataasiakkaanut tunngatillugu tunisinerup unitsinneqarallarnersigut, avataaneersut piunasaqaateqarnerisigut (oqartussat piunasaqarnerat) tunisassiorfinnik matusigallartarnertigut, sulisussamik amigaateqarnermik tunngavilimmik, imaluunniit silap pissusaanik allanilluunniit sullissinermut akiliutip iluarsisuteqarfigisariaqarneranik kinguneqanngitsumik.”

Matusigallartarnerit pillugit ingerlaavartumik Naalackersuisoqarfik ilisimatinneqartarpoq, matumani Maniitsumi matusigallarnerit siviussusissaannik pilersaaruteqarsimanermik. Ilisimatitsisarsimanernik tamakkuninnga nalilersuereernerup kingornatigut, Naalackersuisoqarfiup nalilerpaa, piffissat siviussusissaq pillugu piunasaqaatit iluanniittut. Tamanna eqqarsaatigalugu malitsigisaanillu 2013-imi Naalackersuisoqarfiup isumaqatigiinniaqqinnissamut atatillugu aamma tamanna isumaqatigiinniarnerni ilanngunniarpaa.

Inussiarnersumik inuulluaqqusillunga

Ane Hansen